



Republika e Kosovës
Republika Kosova – Republic of Kosovo



Komuna e Mitrovicës së Jugut
Opština Južna Mitrovica – Municipality of Mitrovica South

KUVENDI I KOMUNËS SË MITROVICËS SË JUGUT

Komiteti për Politikë dhe Financa

Nr. 02-060/01-0004429/26 dt. 30.01.2026

Mitrovicë

PROCESVERBAL

**Nga mbledhja e jashtëzakonshme e Komitetit për Politikë dhe Financa
Mbledhja e 1-rë**

Koha: 30.01.2026 ora 14:00

Vendi: Salla e Mediave

Të pranishëm: Kryesuesi i Kuvendit z. Safet Kamberi

Anëtarët e Komitetit për Politikë dhe Financa: Majlinda Kurti, Igballe Islami, Valon Brahimi, Erseka Barani, Kushtrim Zeneli dhe Visar Syla

Kryetari i Komunës z. Faton Peci

Anëtarët e Bordit të Drejtorëve

Mungoi:

Mbledhjen e hapi dhe kryesoi Kryesuesi i Kuvendit z. Safet Kamberi i cili theksoi se në zbatim të nenit 52, paragrafi 1, të Ligjit Nr. 03/L-040 Për vetëqeverisjen lokale; nenit 11, paragrafi 2 dhe 5 të Udhëzimit Administrativ (MPL) Nr. 05/2020 Për procedurën e themelimit, përbërjen dhe kompetencat e komiteteve të përhershme dhe komiteteve tjera në Komunë; nenit 62, paragrafi 1 dhe 2, të Statutit të Komunës së Mitrovicës, nenit 13, të Rregullores të Punës të Kuvendit të Komunës Nr. 12/2013, për sot kam thirrur mbledhjen e parë të Komitetit për Politikë dhe Financa me rendin e ditës të paraparë me thirrje si në vijim:

1. Propozim vendim për caktimin e orarit të mbajtjes së mbledhjeve
2. Propozim vendim për formimin e Grupit Punues Për hartimin e planit të punës së Kuvendit për vitin 2026
3. Propozim vendim për themelimin e Këshillit Komunal për Siguri në Bashkësi
4. Propozim vendim për formimin e Komitetit për Shëndetësi dhe Mirëqenie Sociale
5. Propozim vendim për formimin e Komitetit për Arsim, Kulturë, Rini dhe Sport
6. Propozim vendim për formimin e Komitetit për Zhvillim Ekonomik
7. Propozim vendim për formimin e Komitetit për Planifikim Urban, Kadastër, Pronë dhe Mbrojtje të Ambientit
8. Propozim vendim për formimin e Komitetit për Shërbime Publike, Mbrojtje dhe Shpëtim
9. Propozim vendim për formimin e Komitetit për Barazi Gjinore
10. Propozim vendim për shpalljen e konkursit për ndarjen e bursave për studentë për vitin akademik 2025/2026
11. Propozim vendim për formimin e Komisionit të Ankesave për ndarjen e bursave
12. Propozim vendim për formimin e Komisionit Komunal të Aksionarëve të KRM "Uniteti"

13. Propozim vendim për formimin e Komisionit Komunal të Aksionarëve të NP "Qendra Multifunksionale"
14. Propozim vendim për formimin e Komisionit Komunal të Aksionarëve të NP "Stacioni i Autobusëve"- SH.A.
15. Propozim vendim për formimin e Komisionit Komunal të Aksionarëve të NP "Tregu"
16. Propozim vendim për formimin e Komisionit për shqyrtimin e ankesave në procedurën e përzgjedhjes së anëtarëve në Bordet e Drejtorëve të NPL-ve
17. Propozim vendim për miratim të vendimit paraprak për publikim të listës së përgjithshme të pronave të paluajtshme të komunës si dhe listën e veçantë të pronave të cilat planifikohen për dhënie në shfrytëzim gjatë vitit 2026
18. Raporti i punës së Kuvendit të Komunës për vitin 2025

Në vazhdim Kryesuesi theksoi se në mbledhje të jashtëzakonshme plotësim-ndryshim të rendit të ditës nuk ka, por dua ta jap një sqarim të pika 17., paraprakisht jemi dakorduar që kjo pikë të hyjë në rend dite, por në ndërkohë pasi që unë e kam nënshkruar rendin e ditës, materiali për këtë pikë nuk ka qenë gati me arsyetimin se duhet të kemi një analizë më të detajuar rreth kësaj çështjeje, për këtë arsye materiali nuk na ka ardhur, por me qenë se është në rend dite kjo pikë duhet të miratohet në rend dite, ndërsa kur të vije radha për shqyrtim e diskutim, kjo pikë mund të kalohet për një seancë tjetër. Prandaj, hap diskutimin lidhur me rendin e ditës.

Igballe Islami: Para se të fillojmë me shqyrtimin e pikave të rendit të ditës dhe arsyetimit që ju e dhatë për pikën 17., unë në asnjë mënyrë nuk pranoj me diskutuar e aq më tepër me aprovuar një pikë të rendit të ditës për të cilën nuk kemi material mbështetës e sidomos kur kemi një pikë kaq të rëndësishme siç është dhënia në shfrytëzim e pronave. Para kësaj pike unë kam edhe një problem të cilin unë e konsideroj se nuk është vetëm obligim administrativ por mbi të gjitha është ligjor, ku të gjitha materialet që i kemi pranuar për këtë mbledhje asnjëra nuk e ka protokollin zyrtar të Komunës. Nuk e kam çështjen vetëm me këto pika të rendit të ditës, sepse këtu kemi të bëjmë me komitete që janë obligative që duhet të krijohen si trupa mbështetëse të Kuvendit, mirëpo unë e kam për pikat e radhës që i kemi në mbledhje, protokollin zyrtar është ai që definon saktësisht dokumentin zyrtar, kur është regjistruar në Sekretari dhe kur është adresuar si material për Komitetin për Politikë dhe Financa. Vula dhe protokollin janë ato që dokumentet i bëjnë zyrtare dhe të qasshme për me i diskutuar. E di që këto janë komitete obligative dhe që duhet të krijohen si trupa mbështetëse të Kuvendit, mirëpo, dilema ime është nëse këto dokumente janë zyrtare për t'u shqyrtuar nga ne. Një çështje tjetër është se, tek pika e Komitetit për Siguri dhe Bashkësi, kjo është iniciuar nga Sekretaria përmes Kryetarit. Kjo krijon paqartësi mes kompetencave të ekzekutivit dhe legjislativit, sepse nuk është e qartë nëse është iniciativë e ekzekutivit apo iniciativë e Sekretarisë dhe e neve si Kuvend. Prandaj, këto janë dilemat e mija që nuk kanë të bëjnë me çështje politike, por me çështje administrative dhe ligjore. Qëllimi im është i qartë që Komiteti për Politikë dhe Financa të mos jetë vetëm një filter formal, që vetëm të kalohen pikat dhe pastaj të diskutohet në Kuvend. Unë e praktikoj këtë: me qenë se jemi të zgjedhur, jemi të deleguar nga partia jonë, pse mos t'i filtrojmë dokumentet saktësisht në mënyrë administrative dhe ligjore dhe të mos bie përgjegjësia mbi neve si anëtarë të Komitetit për Politikë dhe Financa.

Kryetari Faton Peci: Është mirë që lidhur me këtë çështje të ipet një sqarim nga Sekretaria e Kuvendit.

Nazmi Jashari: Të gjitha pikat që janë propozuar në rendin e ditës, faktikisht janë proceduar nëpërmjet Sekretarisë. Kemi të bëjmë me formim të trupave punuese të Kuvendit, komiteteve që formohen nga Kuvendi. Të gjitha pikat që kanë të bëjnë me trupat e Kuvendit janë të proceduara nga Kryesuesi i Kuvendit. Pikat tjera që duhet proceduar nga Kryetari i Komunës janë të proceduara nga

Kryetari i Komunës. Formimi i komisioneve të aksionarëve të katër ndërmarrjeve janë proceduar nga Kryetari i Komunës. Këshilli Komunal për Siguri në Bashkësi, i cili udhëhiqet nga Kryetari, është i proceduar nga Kryetari. Meqenëse materiali është përgatitur nga Sekretaria e Kuvendit, është shkruar nga Sekretaria përmes Kryetarit, domethënë procedohet përmes Kryetarit. Të gjitha këto pika do të marrin faktikisht protokollin e Komitetit për Politikë dhe Financa dhe do të ndahen si zakonisht në protokollin e brendshëm, pika e parë \ një, dy, tre, katër. Dilema ka qenë se një pikë do të tërhiqet nga rendi i ditës dhe për këtë arsye nuk është futur në protokoll në këtë fazë, sepse gjatë shqyrtimit u pa që pika për dhënie në shfrytëzim të pronave publike do të hiqet nga rendi i ditës, edhe pse e përmendi edhe Kryesuesi tek mbledhjet e jashtëzakonshme, rendi i ditës mund të diskutohet, por nuk mund të plotësohet apo ndryshohet. Ose miratohet si i tillë, ose nuk miratohet fare. Këtë çështje ju, si anëtarë më të vjetër të Komitetit, e dini shumë mirë. Në mbledhjet e jashtëzakonshme, rendi i ditës miratohet pa plotësime dhe pa ndryshime.

Valon Brahim: Përshëndetje Kryesues, Kryetar, drejtorë të nderuar. Për mua është kënaqësi që sot jemi këtu dhe dua të t'iu uroj të gjithëve për punën. Unë i kam vërejtjet e mia, me gjithë respektin për Sekretarinë e Kuvendit e cila vazhdimisht ka bërë një punë të mirë, nuk po flas në aspektin politik, por po vlerësoj se çështja që lidhet me mungesën e bashkëngjitjes së protokollit propozim-vendimeve përbën shkelje procedurale dhe si e tillë kisha kërkuar prej Kryesuesit që të gjitha pikat të shtyhen për mbledhjen e radhës, sepse kjo mund të implikojë problem ligjor pastaj në MAPL nëse kalojnë në Kuvend, sepse ata në MAPL kur i vlerësojnë aktet e ligjshmërisë i shqyrtojnë edhe procesverbalet dhe nëse ka shkelje procedurale, ato mund të sjellin pasoja më vonë. Po flas me mirëkuptim dhe pa tendencë. Shikoni këtë dokument në të kaluarën, ka vulë dhe protokoll, ndërsa dokumentet e proceduara për shqyrtim disa nuk kanë vulë e nuk kanë as protokoll. Unë e kisha propozuar që me mirëkuptimin e të gjithëve, këto pika të shtyhen për një seancë tjetër dhe të vijin të plotësuara, në mënyrë që mos të kemi probleme ligjore dhe procedurale, sepse të gjitha këto vendime do të shkojnë në MAPL për konfirmim të ligjshmërisë. Një dokument që nuk ka protokoll, përbën shkelje procedurale. Nëse një propozim nuk është i regjistruar në zyrën e protokollit dhe vjen pa protokoll në një organ kaq të madh siç është Komiteti për Politikë dhe Financa, nuk vlerësoj se duhet me kaluar pa këto plotësime. Unë propozoj Kryesues që, nëse dakordoheni të gjithë, këto pika të rendit të ditës të shtyhen për një seancë tjetër, në mënyrë që të eliminohen defektet procedurale dhe ligjore dhe të kemi siguri më të madhe kur të shkojnë në Kuvend, në mënyrë që aktet që shkojnë në Ministri mos me na u kthyer opinion negativ. Ky është vlerësimi im dhe është çështje e Kryesuesit dhe e gjithë anëtarëve të Komitetit se si do të veprojnë.

Kryesuesi Safet Kamberi: Këto janë pika për shqyrtim në Komitetin për Politikë dhe Financa dhe vendimet e KPF-së nuk shkojnë për interpretim ligjor në MAPL, sepse ky komitet është vetëm një filtër që i përcjell pikat tek Kuvendi. Vendimet e Kuvendit i nënshtrohen vlerësimit të ligjshmërisë nga ministritë përkatëse. Lidhur me çështjet që i cekët, nëse në të kaluarën ka pasur këso praktika, kjo nuk do të thotë që duhet të vazhdojmë me të njëjtën praktikë. Unë besoj që herëve të tjera, bashkë me Sekretarinë, këto mangësi do të eliminohen dhe nuk do të kemi situata të tilla. Por nuk e shoh të arsyeshme që në këtë seancë të shtyhen të gjitha pikat e rendit të ditës për një seancë tjetër për këtë çështje. Ndërsa sa i përket pikës 17, nuk bëhet fjalë që kjo pikë të vije drejt në Kuvend, kjo pikë së pari do të shqyrtohet në mbledhjen e radhës së Komitetit për Politikë dhe Financa e pastaj vije në Kuvend. Për këtë pikë e marr unë përgjegjësinë se ka qenë një nguti e imja e jo e ekzekutivit. Unë e kam nënshkruar thirrjen më herët, sepse e kam vlerësuar se është çështje urgjente për shkak të afateve të dhëna nga Ministria.

Kushtrim Zeneli: Sa i përket çështjes që po diskutohet, ne e kemi një thirrje të mbledhjes që e ka një protokoll zyrtar, e ka nënshkrimin e Kryesuesit të Kuvendit dhe e ka vulën, e shtojmë edhe pjesën që kjo thirrje është bërë zyrtarisht përmes e-mailit zyrtar, prandaj kjo e dëshmon se thirrja dhe materiali janë zyrtarë. Ju që keni qenë më herët në Komitetin për Politikë dhe Financa e dini se asnjë

pikë e KPF-së nuk ka shkuar për konfirmim të ligjshmërisë në MAPL. E dyta, diskutimi final dhe vendimet nuk i merr KPF-ja, vendimet merren në Kuvend, pastaj shkojnë për verifikim të ligjshmërisë në MAPL.

Kryetari Faton Peci: Ne kemi pasur dilemat edhe në komunat e tjera dhe e dimë që për komunat që kanë qenë në mandat afati 31 dhjetor është dita e fundit për miratimin e Listës së përgjithshme të pronave të paluajtshme të komunës si dhe listën e veçantë të pronave të cilat planifikohen për dhënie në shfrytëzim gjatë vitit 2026. Meqenëse jemi qeverisje e re, Ministria për Administrimin e Pushtetit Lokal ka dhënë një afat shtesë deri më 31 mars. Në anën tjetër ne kemi parë se disa vendime të disa prej komunave nga MAPL janë refuzuar për shkak të mungesës së qartësisë së propozimeve. Në mënyrë që ne të evitojmë një lëshim të tillë, unë kam kërkuar që kjo pikë e rendit të ditës të përgatitet sa më mirë në mënyrë që mos të hasim në vërejtjet ose eventualisht kthimin mbresa për aspekte ligjore dhe procedurale. Rrjedhimisht, pika shtatëmbëdhjetë, në momentin kur ne jemi në këtë pikë vetëm shtyhet për seancën e radhës dhe nuk vije në shprehje që të tentohet të aprovohet pa u respektuar të gjitha afatet ligjore, kohore dhe administrative.

Valon Brahim: Vetëm një sqarim, unë këtu po flas për një çështje tjetër. Unë vetëm e shpreha si shqetësim mungesën e protokollit të dokumentet, e di që KPF nuk merr vendim, por kur këto pika shkojnë prej KPF-së në Kuvend dhe pastaj t'i nënshtrohen konfirmimit të ligjshmërisë nga MAPL, MAPL si shkallë e dytë që nga ai moment mund të kërkoj dokumente çfarë të dojë lidhur me këto pika e ne nuk mund t'ia ndalim.

Kryesuesi Safet Kamberi: Shqetësimet janë korrekte dhe kemi nevojë që t'i trajtojmë seriozisht. Realisht, ne kemi mundur ta thërrasim seancën e Kuvendit edhe pa Komitet, por është zgjedhur rruga përmes Komitetit për Politikë dhe Financa. Kjo është bërë për të respektuar procedurat. Në Kuvend, çdo anëtar mund të propozojë një pikë të rendit të ditës, por lind pyetja: ku është protokollin e asaj pike për të vazhduar tutje në procedurë? Këto pika realisht kanë qenë të përgatitura nga Sekretaria. Disa prej tyre duhet të shkojnë përmes Kryetarit, dhe kanë ardhur përmes Kryetarit, ndërsa pjesa tjetër kanë ardhur përmes Kryesuesit. Në këtë drejtim nuk ka asnjë problem. Atëherë, kush është që seanca e KPF-së të vazhdojë me rendin e ditës të paraparë me thirrje.

Rendi i ditës u miratua me shumicë votash (6 për, 0 kundër dhe 1 abstenim).

Pika 1

Kryesuesi i mbledhjes Safet Kamberi hapi diskutimin lidhur me Propozim-vendimin për caktimin e orarit të mbajtjes së mbledhjeve.

Pasi nuk kishte të lajmëruar për diskutim, Kryesuesi vuri në votim Propozim-vendimin për caktimin e orarit të mbajtjes së mbledhjeve.

Rezultati i votimit: 6-për, 0-kundër, 1-abstenim.

Propozim-vendimi për caktimin e orarit të mbajtjes së mbledhjeve u miratua me shumicë votash dhe i procedohet Kuvendit të Komunës për shqyrtim dhe miratim.

Pika 2

Kryesuesi i mbledhjes Safet Kamberi hapi diskutimin lidhur me Propozim-vendimin për formimin e Grupit Punues Për hartimin e planit të punës së Kuvendit për vitin 2026.

Pasi nuk kishte të lajmëruar për diskutim, Kryesuesi vuri në votim Propozim-vendimin për formimin e Grupit Punues Për hartimin e planit të punës së Kuvendit për vitin 2026.

Rezultati i votimit: 6-për, 0-kundër, 1-abstenim.

Propozim-vendimi për formimin e Grupit Punues Për hartimin e planit të punës së Kuvendit për vitin 2026 u miratua me shumicë votash dhe i procedohet Kuvendit të Komunës për shqyrtim dhe miratim.

Pika 3

Kryesuesi i mbledhjes Safet Kamberi hapi diskutimin lidhur me Propozim-vendimin për themelimin e Këshillit Komunal për Siguri në Bashkësi.

Pasi nuk kishte të lajmëruar për diskutim, Kryesuesi vuri në votim Propozim-vendimin për themelimin e Këshillit Komunal për Siguri në Bashkësi.

Rezultati i votimit: 6-për, 0-kundër, 1-abstenim.

Propozim-vendimi për themelimin e Këshillit Komunal për Siguri në Bashkësi u miratua me shumicë votash dhe i procedohet Kuvendit të Komunës për shqyrtim dhe miratim.

Kryesuesi i mbledhjes propozoi që pikat 4, 5, 6, 7, 8 dhe 9 të diskutohen përnjëherë ndërsa votimi të bëhet ndaras.

Komiteti për Politikë dhe financa unanimisht u pajtuan me propozimin e Kryesuesit.

Pikat: 4, 5, 6, 7, 8 dhe 9

Kryesuesi vuri në votim Propozim-vendimin për formimin e Komitetit për Shëndetësi dhe Mirëqenie Sociale.

Rezultati i votimit: 6-për, 0-kundër, 1-abstenim.

Propozim-vendimi për formimin e Komitetit për Shëndetësi dhe Mirëqenie Sociale u miratua me shumicë votash dhe i procedohet Kuvendit të Komunës për shqyrtim dhe miratim.

Kryesuesi vuri në votim Propozim-vendimin për formimin e Komitetit për Arsim, Kulturë, Rini dhe Sport.

Rezultati i votimit: 6-për, 0-kundër, 1-abstenim.

Propozim-vendimi për formimin e Komitetit për Arsim, Kulturë, Rini dhe Sport u miratua me shumicë votash dhe i procedohet Kuvendit të Komunës për shqyrtim dhe miratim.

Kryesuesi vuri në votim Propozim-vendimin për formimin e Komitetit për Zhvillim Ekonomik.

Rezultati i votimit: 6-për, 0-kundër, 1-abstenim.

Propozim-vendimi për formimin e Komitetit për Zhvillim Ekonomik u miratua me shumicë votash dhe i procedohet Kuvendit të Komunës për shqyrtim dhe miratim.

Kryesuesi vuri në votim Propozim-vendimin për formimin e Komitetit për Planifikim Urban, Kadastër, Pronë dhe Mbrojtje të Ambientit.

Rezultati i votimit: 6-për, 0-kundër, 1-abstenim.

Propozim-vendimi për formimin e Komitetit për Planifikim Urban, Kadastër, Pronë dhe Mbrojtje të Ambientit u miratua me shumicë votash dhe i procedohet Kuvendit të Komunës për shqyrtim dhe miratim.

Kryesuesi vuri në votim Propozim-vendimin për formimin e Komitetit për Shërbime Publike, Mbrojtje dhe Shpëtim.

Rezultati i votimit: 6-për, 0-kundër, 1-abstenim.

Propozim-vendimi për formimin e Komitetit për Shërbime Publike, Mbrojtje dhe Shpëtim u miratua me shumicë votash dhe i procedohet Kuvendit të Komunës për shqyrtim dhe miratim.

Kryesuesi vuri në votim Propozim-vendimin për formimin e Komitetit për Barazi Gjinore.

Rezultati i votimit: 6-për, 0-kundër, 1-abstenim.

Propozim-vendimi për formimin e Komitetit për Barazi Gjinore u miratua me shumicë votash dhe i procedohet Kuvendit të Komunës për shqyrtim dhe miratim.

Pika 10

Kryesuesi i mbledhjes Safet Kamberi hapi diskutimin lidhur me Propozim-vendimin për shpalljen e konkursit për ndarjen e bursave për studentë për vitin akademik 2025/2026.

Pasi nuk kishte të lajmëruar për diskutim, Kryesuesi vuri në votim Propozim-vendimin për shpalljen e konkursit për ndarjen e bursave për studentë për vitin akademik 2025/2026.

Rezultati i votimit: 6-për, 0-kundër, 1-abstenim.

Propozim-vendimi për shpalljen e konkursit për ndarjen e bursave për studentë për vitin akademik 2025/2026 u miratua me shumicë votash dhe i procedohet Kuvendit të Komunës për shqyrtim dhe miratim.

Pika 11

Kryesuesi i mbledhjes Safet Kamberi hapi diskutimin lidhur me Propozim-vendimin për formimin e Komisionit të Ankesave për ndarjen e bursave.

Pasi nuk kishte të lajmëruar për diskutim, Kryesuesi vuri në votim Propozim-vendimin për formimin e Komisionit të Ankesave për ndarjen e bursave.

Rezultati i votimit: 6-për, 0-kundër, 1-abstenim.

Propozim-vendimi për formimin e Komisionit të Ankesave për ndarjen e bursave u miratua me shumicë votash dhe i procedohet Kuvendit të Komunës për shqyrtim dhe miratim.

Kryesuesi i mbledhjes po ashtu propozoi që pikat 12, 13, 14 dhe 15 të diskutohen për njëherë ndërsa votimi të bëhet ndaras.

Komiteti për Politikë dhe Financa unanimisht u pajtuan me propozimin e Kryesuesit.

Pikat: 12, 13, 14 dhe 15

Kryesuesi i mbledhjes hapi diskutimin.

Valon Brahimi: Në mandatin e kaluar në komisionet komunale të aksionarëve të katër ndërmarrjeve janë përfaqësuar të gjitha partitë dhe është respektuar kuota gjinore, prandaj kërkoj që kjo praktikë të vazhdoj tutje.

Pasi nuk kishte të lajmëruar tjerë për diskutim, Kryesuesi vuri në votim Propozim-vendimin për formimin e Komisionit Komunal të Aksionarëve të KRM "Uniteti".

Rezultati i votimit: 6-për, 0-kundër, 1-abstenim.

Propozim-vendimi për formimin e Komisionit Komunal të Aksionarëve të KRM "Uniteti" u miratua me shumicë votash dhe i procedohet Kuvendit të Komunës për shqyrtim dhe miratim.

Kryesuesi vuri në votim Propozim-vendimin për formimin e Komisionit Komunal të Aksionarëve të NP "Qendra Multifunktionale".

Rezultati i votimit: 6-për, 0-kundër, 1-abstenim.

Propozim-vendimi për formimin e Komisionit Komunal të Aksionarëve të NP "Qendra Multifunktionale" u miratua me shumicë votash dhe i procedohet Kuvendit të Komunës për shqyrtim dhe miratim.

Kryesuesi vuri në votim Propozim-vendimin për formimin e Komisionit Komunal të Aksionarëve të NP "Stacioni i Autobusëve"- SH.A.

Rezultati i votimit: 6-për, 0-kundër, 1-abstenim.

Propozim-vendimi për formimin e Komisionit Komunal të Aksionarëve të NP "Stacioni i Autobusëve"- SH.A., u miratua me shumicë votash dhe i procedohet Kuvendit të Komunës për shqyrtim dhe miratim.

Kryesuesi vuri në votim Propozim-vendimin për formimin e Komisionit Komunal të Aksionarëve të NP "Tregu".

Rezultati i votimit: 6-për, 0-kundër, 1-abstenim.

Propozim-vendimi për formimin e Komisionit Komunal të Aksionarëve të NP "Tregu" u miratua me shumicë votash dhe i procedohet Kuvendit të Komunës për shqyrtim dhe miratim.

Pika 16

Kryesuesi i mbledhjes Safet Kamberi hapi diskutimin lidhur me Propozim-vendimin për formimin e Komisionit për shqyrtimin e ankesave në procedurën e përzgjedhjes së anëtarëve në Bordet e Drejtorëve të NPL-ve.

Pasi nuk kishte të lajmëruar për diskutim, Kryesuesi vuri në votim Propozim-vendimin për formimin e Komisionit për shqyrtimin e ankesave në procedurën e përzgjedhjes së anëtarëve në Bordet e Drejtorëve të NPL-ve.

Rezultati i votimit: 6-për, 0-kundër, 1-abstenim.

Propozim-vendimi për formimin e Komisionit për shqyrtimin e ankesave në procedurën e përzgjedhjes së anëtarëve në Bordet e Drejtorëve të NPL-ve u miratua me shumicë votash dhe i procedohet Kuvendit të Komunës për shqyrtim dhe miratim.

Pika 17

Komiteti për Politikë dhe Financa vendosën që Propozim vendimi për miratim të vendimit paraprak për publikim të listës së përgjithshme të pronave të paluajtshme të komunës si dhe listën e veçantë të pronave të cilat planifikohen për dhënie në shfrytëzim gjatë vitit 2026 të shtyhet për mbledhjen e radhës së KPF-së.

Pika 18

Kryesuesi i mbledhjes Safet Kamberi hapi diskutimin lidhur me Raportin e punës së Kuvendit të Komunës për vitin 2025.

Pasi nuk kishte të lajmëruar për diskutim, Kryesuesi vuri në votim Raportin e punës së Kuvendit të Komunës për vitin 2025.

Rezultati i votimit: 6-për, 0-kundër, 1-abstenim.

Raporti i punës së Kuvendit të Komunës për vitin 2025 u miratua me shumicë votash dhe i procedohet Kuvendit të Komunës për shqyrtim dhe miratim.

Mbledhja përfundoi punimet në ora 14:55 min.

Mitrovicë

Procesmbajtës:


Merita PRETENI

Kryesuesi i Kuvendit


Safet KAMBERI